

醫
酒
衡
下



葉天士醫衡目錄

卷下

燥論

沈明生著

火論

劉宗厚著

痰論

徐用誠著

咳嗽要論

張會卿著

虛勞論

李念義著
天上改

吐血三要論

繆仲淳著



諸血病論

朱端生著

內傷餘議

王安道著

五鬱六鬱解

沈明生著

諸氣不當作寒治論

劉宗厚著

腫脹引經別證辨

張會卿著

腹脹禁用攻瀉論

喻嘉言著

喘脹標本論

王汝言著

喘哮短氣逆氣息膏辨

梅公燮著



南京中医药大学图书馆版权所有

藏道欬逆乾嘔嘔吐五證辨

闡要編

噎膈反胃本於陰枯陽結論

闡要編

三消證治論

張景岳著

三消從火斷論

張戴人著

消渴亦有屬寒辨

朱端生著

首痰論

王樹菴著
梅公燮增改



心胸胃腕脇腹諸痛辨

李念莪著

心痛解

李念莪著

痛無補法辨

張景岳著

痞癖等七種釋名論

虞花然著

治積按初中末法論

李念莪著

蟲積論

杜銅峯著

黃疸症毋拘五證宜別三焦論

王損菴著



南京中醫藥大學圖書館藏

陰黃說

王損菴著

七疝解

吳山甫著

淋閉證治論

杜銅峯著

精濁論

王損菴著

精濁便濁分別辨

王損菴著

遺精白濁皆由心腎兩虛辨

杜銅峯
吳菱山著

老年人耳聾與少年異治法論



自汗盜汗論

喻嘉言著

沈尊水著

癲癇狂辨

沈明生著

驚悸恐辨

王損菴著

驚風論

喻嘉言著

七情考

張會卿著

寢食說

梅公燮著



葉氏醫衡卷下

資州林金瀉鏡波校訂


燥論

沈明生著

至真大要論列病機一十九條而遺於燥者爲其兼乎
風熱之化故但言風熱而燥在其中矣河間特補此義
於原病式中然義有未悉敢再陳之夫燥兼風化者經
云風能勝濕濕去則燥自生始因風甚而燥及於肺則
木氣有餘侮所不勝而金更微邪復因燥甚而病及乎
肝則木氣亢害承者制之而金行報復故筋脈勁強口



噤風癰皮膚燥屑收斂急切之病生矣燥兼熱化者熱
卽火也易曰燥萬物者莫熯乎火始由真陰耗竭致有
尅金之火而燥乃成金受邪不能生制火之水而燥益
甚故消穀善飢噎膈胃枯二便閉塞燥烈枯涸等證本
矣由熱生風由風生燥燥又由熱循環勝復至於髓液
咸枯燥非淺患明矣致燥之因或遇陽明司天燥化大
行或久勞於風日之中頻邇於火燥之畔外因也七情
不節神傷血耗及大病吐汗下尅伐太過亡其津液內



因也食味辛熱過多虛勞誤投溫補與夫服食不節
之劑發燥不內外因也凡此諸論皆令熱極生風風火
相煽陰中伏火煎熬津液而燥症生矣是以燥在本皮
膚皴揭疥癢爪枯燥在中脾胃乾涸消穀善飢燥在上
則鼻燥咽乾燥在下則便難癰閉兼熱則手足痿兼風
則瘡癰作虛而燥熱必致勞咳實而燥熱必見癲狂枵
痰食者終爲噎隔等症治燥之法當觀沸釜之理以血
喻湯而氣喻火也若火猛湯沸則當沃薪減火不使絕



竭猶用芩連梔膏朴硝大黃大苦至寒治標等劑清降
火邪則血不爲衰而燥不爲甚也若沸久將乾又將添
益新水使能勝火猶用地黃門冬參芪歸芍甘寒甘溫
治本之劑氣血雙補則燥得以潤而火有所制也苦
云休治風休治燥治得火時風燥了然則獨無寒燥者
乎嘗考醫壘元戎有五方治燥諸法云北方其脈遲寒
燥也宜溫熱藥治之如桂附硫黃良姜巴豆之屬是知
燥亦兼寒張景岳論消渴亦云陽勝固能消陰陰勝獨



医药大学图书馆

不能消陽乎經云移寒於肺爲肺消飲一溲二死不治
之症曾以八味丸歸脾湯治一縉紳得愈又如大便秘
結有係藏寒則血枯藏冷則氣瀆食少脈微爲陰結者
宜半硫丸香附湯治之夫消渴閉結燥症之大者乃有
屬於陰寒海藏非鑿說矣知常識變圓妙無窮始得不
愧爲司命

火論 劉宗厚著

火之爲病其害甚大其勢甚彰其死甚暴何者蓋能燔

北京中医药大学图书馆藏

灼焚燄飛走狂越消鑠萬物莫能過之遊行於三焦虛
實之兩途故凡動皆屬火化火不妄動隨觸而發故人
在氣交之中多動少靜欲無觸發可得乎火一妄行元
氣更傷動之極也遂與元氣不兩立經云一水不能勝
二火之火出于天造曰君火人火也曰相火龍火雷火
也經所謂一水不勝五火之火出於人爲益大怒則火
起於肝醉飽則火起於胃房勞則火起於腎悲哀動中
則火起於肺心爲君主自焚而死此五志厥陽之火也

又考內經病機一十九條而屬火者五可見火熱致病者甚多然五志之火詳於河澗君相二火辨自丹溪謂無漏義矣其見之於症也上爲喘嘔吐酸吐血衄血氣逆憤脹脅癢冒昧喉痺耳鳴等症下爲暴注下迫下血溺血小便淋瀝大便閉結霍亂轉筋等症或爲瘡腫癰疽寒熱戰慄擾躁狂越證見於外或爲悲哭譫妄驚悸怔忡骨蒸咳嗽證發於內凡諸火邪不一而足其形之於脈也浮而洪數爲虛火沉而實大爲實火見於兩

寸爲上焦之火心肺是也見於兩關爲中焦之火脾胃肝胆是也見於兩尺爲下焦之火腎與膀胱是也滑數而舉按皆有力真火也浮而重按全無假火也其藥之所主也君火可以經伏可以水滅可以直折黃連之屬可以制之相火不可以水折當從其性而伏之惟黃柏之屬可以降之然黃連瀉心火黃芩瀉肺火芍藥瀉脾火柴胡瀉肝火知母瀉腎火此皆苦寒之味能瀉有形之火耳若飲食勞倦內傷元氣之火宜以甘溫之劑除



之如陽亢陰微煎熬血液之火宜以甘寒之劑降之如
門冬地黃之屬若左腎真陰失守而火熾則地黃元參
之類可以壯水制陽若右腎命門虛弱火衰則桂附之
類可以消陰益火若胃虛過食冷物抑遏陽氣於脾土
之中則升麻葛根可以升散鬱火不明此類而求治火
病未免實實虛虛之誤矣

痰論

徐用誠著

痰之爲病仲景論四領六證無擇敘內外三因俱爲切

當益四領則敘因痰而顯諸症者三因則論因有所傷而成痰者也惟王隱若論人之諸疾悉出於痰此發前人所未論可謂深識痰之情狀而得其奧者矣製痰丸一方總治斯痰固爲簡便較之仲景無擇有表裏內外而分汗下溫利之法則疏闊矣况又有虛實寒熱之不同哉夫痰之爲病有因熱而生痰者熱則熏蒸津液而成痰亦有因痰而生熱者痰則阻碍氣道而生熱有因風寒火熱而得者有因驚而得者有因氣而得者有

